

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**ДОМ НАРОДА
ПРЕДСТАВНИЧКИ ДОМ**

**DOM NARODA
PREDSTAVNIČKI DOM / ZASTUPNIČKI DOM**

Привремена заједничка комисија оба дома
Парламентарне скупштине Босне и
Херцеговине за спровођење процедуре за избор
четири члана Управног одбора Агенције за
развој високог образовања и обезбјеђивање
квалитета

Privremena zajednička komisija oba doma
Parlamentarne skupštine Bosne i Hercegovine
za provođenje procedure za izbor četiri člana
Upravnog odbora Agencije za razvoj visokog
obrazovanja i osiguravanje kvaliteta

Privremeno zajedničko povjerenstvo obaju
domova Parlamentarne skupštine Bosne i
Hercegovine za provođenje procedure izbora
četiri člana Upravnog odbora Agencije za
razvoj visokog obrazovanja i osiguranje
kvalitete

Broj: 01,02-50-14-843-5/15
Sarajevo, 29.10.2015. godine

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 06-11-2015			
Organizaciona jedinica	Klasifikaciona oznaka	Redni broj	Broj priloga

- PREDSTAVNIČKOM DOMU

- DOMU NARODA

PARLAMENTARNE SKUPŠTINE BiH

Na osnovu člana 29. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14), člana 24. Poslovnika Doma naroda Parlamentarne skupštine BiH („Službeni glasnik BiH“, br. 58/14) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta na 5. sjednici, održanoj 29.10.2015., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

**o utvrđivanju prijedloga rang-liste kandidata za izbor četiri člana Upravnog odbora
Agencije za razvoj visokog obrazovanja i osiguranje kvaliteta**

- I. Imenovanje članova Privremene zajedničke komisije oba doma
Parlamentarne skupštine Bosne i Hercegovine za provođenje procedure za**

izbor četiri člana Upravnog odbora Agencije za razvoj visokog obrazovanja i osiguranje kvaliteta

Parlamentarna skupština BiH je na 11. sjednici Predstavničkog doma, održanoj 13.5.2015., i na 4. sjednici Doma naroda, održanoj 18.5.2015., imenovala članove Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta (u daljnjem tekstu: Komisija), u kojoj su:

Mensura Beganović, Nenad Lalić i Nikola Lovrinović iz Predstavničkog doma, te Ognjen Tadić, Sead Kadić i Zdenka Džambas iz Doma naroda Parlamentarne skupštine BiH.

II. Zadaci i hronologija rada Komisije

U skladu s članom 51. Okvirnog zakona o visokom obrazovanju u BiH, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Sl. glasnik BiH", broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala pet sjednica.

Konstituirajuća sjednica održana je 27.5.2015. Na ovoj sjednici članovi Komisije jednoglasno su za predsjedavajućeg izabrali Nenada Lalića, za prvog zamjenika predsjedavajućeg Seada Kadića, te za drugu zamjenicu Zdenku Džambas. S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 27.5.2015., usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Na osnovu zakonskih odredbi, te odredbi čl. od 7. do 10. Poslovnika, Komisija je na istoj sjednici pripremila i donijela Odluku o objavljivanju Javnog konkursa za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

- "Službenom glasniku Brčko Distrikta BiH" i "Službenom glasniku BiH", broj 60/15, 28.7.2015., te na veb-stranici Parlamentarne skupštine BiH. Obavještenje o Javnom konkursu objavljeno je u "Oslobođenju", "Večernjem listu" i "Večernjim novostima" 28.7.2015. Rok za podnošenje prijava na Javni konkurs bio je (zaključno) 12. avgust 2015.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatirala da se na Javni konkurs prijavio 21 kandidat, i to:

1. VESNA B. AČIĆ
2. LEJLA HAIRLAHOVIĆ
3. MARINKO JURILJ
4. STEVO PAŠALIĆ
5. ŽELJKO RAJIĆ
6. LAMIJA TANOVIĆ
7. DRAGO BLAGOJEVIĆ
8. ALMA HASANOVIĆ
9. MIDHAT JAŠIĆ
10. BAKIR MEHIĆ
11. AMMAR MIRAŠČIJA
12. MOMČILO PELEMIŠ
13. MILJAN POPIĆ
14. NIKOLA POPLAŠEN
15. LAZO RISTIĆ
16. MILENKO STANIĆ
17. NERMINA ZAIMOVIĆ UZUNOVIĆ
18. NEVZET VELADŽIĆ
19. DRAGOMIR VUKOVIĆ
20. IGOR ŽIVKO
21. IVO ROZIĆ

Komisija je na 3. sjednici, održanoj 29.9.2015., pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svakog prijavljenog kandidata, Komisija je utvrdila da je 20 prijavljenih kandidata dostavilo potrebnu dokumentaciju, da je dokumentacija dostavljena u predviđenom roku, i da ispunjava uslove konkursa. Komisija je prijavu Iva Rozića odbacila kao neblagovremenu, jer je uvidom utvrdila, na osnovu pečta pošte, da je navedena prijava poslana, 14.8. 2015., nakon isteka krajnjeg roka za prijave.

U skladu s članom 12. Poslovnika o radu Komisije, 20 kandidata je pozvano na intervju. O datumu, vremenu i mjestu održavanja intervjuja svi kandidati su pismeno obaviješteni.

Komisija je na 4. sjednici, održanoj 26. i 27. 10. 2015., obavila intervju - javno saslušanje kandidata.

Intervjuu se odazvalo 18 kandidata.

Kandidati Alma Hasanović i Miljan Popić nisu se odazvali intervjuu.

Komisija je, u skladu s članom 13. Poslovnika o radu, sačinila obrazac - tabelu za ocjenjivanje svakog kandidata od prisutnih članova Komisije. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga rang-liste kandidata

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog rang-liste kandidata s tačnim brojem Zakonom propisanih pozicija, odnosno prijedlog rang-liste s četiri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i ostalih, kao i zvanje redovnog univerzitetskog profesora za najmanje dva kandidata. Također, Komisija se obavezala da će, poštujući zakonske i odredbe Poslovnika o radu, u svom izvještaju domovima Parlamentarne skupštine BiH, nakon prijedloga rang-liste za Upravni odbor, u daljnjem tekstu posebno navesti imena i bodove za ostale kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate s jedinstvene liste.

IV.1. Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od četiri člana Upravnog odbora po jedan član treba biti predstavnik bošnjačkog, srpskog i hrvatskog naroda i iz reda ostalih.

PRIJEDLOG

RANG-LISTE ČETIRI KANDIDATA ZA IMENOVANJE ČLANOVA

UPRAVNOG ODBORA AGENCIJE ZA RAZVOJ VISOKOG OBRAZOVANJA I

OSIGURANJE KVALITETA

Redni broj	Kandidat	Pripadnost narodu	Broj bodova
1.	MOMČILO PELEMIŠ	O	97,3
2.	NIKOLA POPLAŠEN	S	96,8
3.	MIDHAT JAŠIĆ	B	96,6
4.	MARINKO JURILJ	H	96,5

IV.2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

Redni broj	Kandidat	Pripadnost narodu	Broj bodova
1.	MOMČILO PELEMIŠ	O	97,3
2.	NIKOLA POPLAŠEN	S	96,8
3.	MIDHAT JAŠIĆ	B	96,6
4.	MARINKO JURILJ	H	96,5
5.	LAMIJA TANOVIĆ	O	94,3
6.	NEVZET VELADŽIĆ	B	92
7.	NERMINA ZAIMOVIĆ UZUNOVIĆ	B	89,8
8.	MILENKO STANIĆ	S	89,5
9.	DRAGOMIR VUKOVIĆ	S	88,6
10.	STEVO PAŠALIĆ	S	88,5
11.	IGOR ŽIVKO	H	88,3

12.	AMMAR MIRAŠCIJA	B	86
13.	LAZO RISTIĆ	S	85,8
14.	ŽELJKO RAJIĆ	S	85
15.	VESNA B. AČIĆ	S	82,6
16.	LEILA HAIRLAHOVIĆ	B	80,6
17.	ALMA HASANOVIĆ	B	ODUSTALA
18.	MILJAN POPIĆ	S	ODUSTAO

V. Dostavljanje prijedloga rang-liste kandidata u parlamentarnu proceduru

Komisija je na 5. sjednici, održanoj 29.10.2015., sa pet glasova „za“ i jednim glasom „protiv“ usvojila prijedlog liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovnim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguranje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma - Nenad Lalić, predsjedavajući Komisije,
- iz Doma naroda – Sead Kadić, prvi zamjenik predsjedavajućeg Komisije.

Predsjedavajući

Privremene zajedničke komisije

prof. dr. Nenad Lalić



Dostaviti:

- Kolegiju Predstavničkog doma
- Kolegiju Doma naroda
- a/a

Prilog: Prijedlog rang-liste četiri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta


PRIJEDLOG

RANG-LISTE ČETIRI KANDIDATA ZA IMENOVANJE ČLANOVA

UPRAVNOG ODBORA AGENCIJE ZA RAZVOJ VISOKOG OBRAZOVANJA I

OSIGURANJE KVALITETA

Redni broj	Kandidat	Pripadnost narodu	Broj bodova
1.	MOMČILO PELEMIŠ	O	97,3
2.	NIKOLA POPLAŠEN	S	96,8
3.	MIDHAT JAŠIĆ	B	96,6
4.	MARINKO JURILJ	H	96,5



PREDSEDavajući KOMISIJE

Prof. dr. Nenad Lalić